

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Jael.

urn:nbn:de:gbv:45:1-18303

flamur. *J.* c) Itaque tollite deos istos peregrinos, & expiate animos vestros Jovæ, Deo Israelitarum. *P.* Jovam Deum nostrum colemus, & e dicto audientes erimus. *J.* Igitur consignabo hæc literis, & erigam hoc ingens saxum sub ha quercu, quod testis erit (utpote d) quod audiverit omnia Jovæ ad vos dicta) si forte fregeritis fidem Deo nostro.

SENTENTIA.

Deo Servatori, banorumque Datori serviri debet.

J A E L. Judicum 4.

A R G V M E N T V M.

Jael Sisarum Cananæorum ducem dolose occidit.

Jael, Sisara, Baracus.

Diverte ad me, Sisara, quo fugis; diverte ad me tuto. *S.* Bene mones, Sed ubi abde me? *J.* Bono animo es: sub hoc centone: hic latebis tutissime. *S.* Amabo, da mihi paululum aquæ, quod bibam: nam valde sitio. *J.* Imo lac dabo ex hoc sinu, quod melius est aqua. Hæc bibe. Nunc quiescito, ubi texero te hac stragula veste. *S.* Sed sta ad Januam casæ, ut si quis me quaeret, neges hic esse. *J.* Fiet. Nunc demum facinus edam majus fœminea manu. Quid hoc gestit

c) Ut Jova colatur, abjiciendi sunt peregrini dii. Nam duobus dominis servire non potes.

d) Præsens ac quasi testis adfit, perinde ac si audierit.

gestit animus, jubetque audere ulcisci hostem Dei & bonorum. Periisti Sisara: fœminea vi fœminea manu interimeris. *B.* Quis mihi nunc, quis demonstret, quo fugerit hostis? Quem ego si assecutus fuero, dispeream nisi ei animam eripio malis modis. Sed quo se furripuit? quo fugit? *J.* O Deum immortalem, quantum ego facinus feci! quantam laudem inveniet Jael! Sed video ne Baracum? Ipse est: sectatur hostem jam jacentem. Barace, huc sis ad me, ut tibi commonstrem hominem quem quæris. *B.* Obsecro, estne is apud te? *J.* Videbis. *B.* Proh Superi, quid video? Sisaram jacentem humi exanimem? quis hoc fecit? *J.* Mulieris factum vides. *B.* At non muliebrem tamen. Sed quæso, tunc hoc fecisti? *J.* Ipsa res indicat. *B.* Video: sed narra, obsecro, quo pacto egeris. *J.* Vidi fugientem, jussi, ut ad me veniret, eumque operui centone. Deinde cum jam quiesceret, cepi clavum, quem malleo adegi in tempus ejus. Ille provolutus ad pedes meos, efflavit animam. *B.* Utinam sic pereant, quotquot adversantur Deo.

SENTENTIA.

Turpi morte digni sunt, qui Deo aut ejus populo adversantur. Debiliū manu vincit Deus fortes.

GEDEON TRITVRANS. Judic. 6.

ARGVMENTVM.

Genius Gedeonem mittit ad debellandos Madianitas.

Genius,